

Inungnut Tuhagtitaujuqhaq

Qilamik Tuhaqtitaujuqhaq

**Kuin Elizabeth II maningnik ikajuutiqhainnik
ilihaqtunut aittuutait tunijauyut Nunavunmiunut
ajuitpiaqtunut munaqhiliqinikkut ilihagtunut**

Iqaluit, Nunavut (Qiqaijaluaria 2, 2023) – John Main, Minista Munaqhiliqijitkunnut, tunihijuq talimanik Kuin Elizabeth II maningnik ikajuutiqhainnik ilihagtunut aittuutiqhainnut ajuitpiaqtunut Nunavut Ilihaqpaalirvianni (NAC) munaqhiliqinikkut ilihagtut niripkaqtitauplutik Iqalungni Hivullirmi, Qitiqqautijug 24, 2023.

Kuin Elizabeth II maningnik ilihagtunut aittuutait tunijaujut ukiuq tamaat ajuitpiaqtunut ilihagtunut ayuiniqhallaqtunut talvani tugliani, pinggahuanilu hitamanilu ukiungginni munaqhiliqinikkut ilihautainni ilaliutiqaqhunilu \$3,000 taalamik maningnik ikajuutiqhainnik ilihagtillutik.

“Nunavut havaqhimmaaqtillutik akturnarniitigut nunarjuami munaqhiit ikitpallaangnitigut, aqhuungnaktuq ilihimajaami Nunavunmiut ilihaqtut havaaqhani havaariliqlugit”, uqaqtuq Minista Main.

"Quviahuktun'nga havagvingma ikajuutihimmaaqpangmata iliaqtittiplugit munaqhiliqidjutikkut nunamingni, ikajuutauplunilu pivallianirmun hakugingnikkut, pitquhikkutigunlu ilihimapluni havagviupluni. Quviahuutigiumajatka tamaita tunijaujut uvani ukiumi aittuqtaujut iliaqpiaqpangmata ilihagutimingni hivuni munariumaplugit Nunavunmiut".

2023 maningnik ikajuutiqhainnik ilihaqtunut aittuqtaujut Hattie Pameolik, Evora Essoh, Charity Uche, Vayda Kaviok Nicole Boland lu. Aituutiqhat ilagijait talvani Havagviani Munarhiliqijitkut aulahimaaqtuni maniliqidjutiqhanut ikayuutiqhanut ajuirhajunut Nunavunmiunut munaqhiliqinikkut.

###

Danarae Sommerville
Atan'ngujaukaffuktitauihimajuq Tuhaqtipkaijiini
Munaqhiliqijitkut
867-975-5949
dsommerville1@gov.nu.ca

Tuhaqtitaujuqhat piinnariagaqtut Inuktitukkuaqhima junik, Qablunaatun, Inuinnaqtun Uluviivitigunlu uvani www.nu.ca.
News releases are available in Inuktitut, English, Inuinnaqtun and French on www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.